

MG-2021 60 strana

**UNIVERZITET U SARAJEVU
POLJOPRIVREDNO-PREHRAMBENI FAKULTET**

**POSLOVNIK O RADU
VIJEĆA ODSJEKA POLJOPRIVREDNO-PREHRAMBENOG FAKULTETA
UNIVERZITETA U SARAJEVU**

Sarajevo, novembar 2018.

Na osnovu člana 135. Zakona o visokom obrazovanju («Sl. novine Kantona Sarajevo», broj 33/17) a u skladu sa čl. 17. i 18. st. (4) Pravilnika o organizaciji i sistematizaciji radnih mjesta Poljoprivredno-prehrambenog fakulteta Univerziteta u Sarajevu, na usaglašeni prijedlog šefova sva četiri odsjeka Fakulteta (prof. dr. Selme Čorbo šef odsjeka *Prehrambene tehnologije*, prof. dr. Mirhe Đikić šefa odsjeka *Biljna proizvodnja*, prof. dr. Admira Dokse šefa odsjeka *Zootehnika* i prof. dr. Sabahudina Bajramovića šefa odsjeka *Ekonomika poljoprivredne i prehrambene industrije*), Vijeće Fakulteta je na 15. sjednici održanoj 04.03.2019. godine donijelo

POSLOVNIK O RADU
VIJEĆA ODSJEKA POLJOPRIVREDNO-PREHRAMBENOG FAKULTETA
UNIVERZITETA U SARAJEVU

I PREDMET I OBUHVATNOST POSLOVNIKA

Član 1.

Poslovníkom o radu vijeća odsjeka Poljoprivredno-prehrambenog fakulteta Univerziteta u Sarajevu (u daljem tekstu: Fakultet) utvrđuju se: sastav, rad i poslovi vijeća sva četiri odsjeka Fakulteta.

II SASTAV, RAD I POSLOVI VIJEĆA

Član 2.

- (1) Odsjek djeluje kroz vijeće odsjeka koje je stalno tijelo Vijeća Fakulteta.
- (2) Vijeća odsjeka čine po jedan predstavnik katedri (katedre koje uključuju obavezne i aktivne izborne predmete) uključenih u realizaciji nastave na studijskim programima prvog ciklusa studija u nadležnosti odsjeka.
- (3) Vijećem odsjeka predsjedava šef odsjeka, a u njegovom odsustvu vijećem predsjedava njegov zamjenik.
- (4) Vijeće odsjeka radi prema poslovniku vijeća odsjeka.
- (5) Sjednicama vijeća odsjeka po pozivu ili bez poziva šefa odsjeka može prisustvovati prodekan za nastavu, sa pravom na diskusiju, ali bez prava glasa.
- (6) Početkom svake akademske godine, vijeće odsjeka na svojoj prvoj sjednici utvrđuje eventualne promjene u članstvu vijeća i verificira takve promjene.

Član 3.

- (1) Odsjekom rukovodi šef odsjeka kojeg bira Vijeće odsjeka, tajnim glasanjem, većinom glasova svih članova Vijeća odsjeka, a potvrđuje Vijeće Fakulteta.
- (2) Šef odsjeka se bira iz reda nastavnika i na funkciju šefa odsjeka može biti izabran maksimalno u dva uzastopna mandata.
- (3) Odluku o imenovanju šefa odsjeka i njegovog zamjenika, na mandatni period od četiri akademske godine, donosi dekan Fakulteta.
- (4) Za šefa odsjeka može biti predloženo samo ono lice koje ima izbor za naučnu oblast ili predmet kojim se bavi odsjek.
- (5) Izabrani šef odsjeka predlaže zamjenika, kojeg potvrđuje vijeće odsjeka nadpolovičnom većinom svih članova Vijeća odsjeka, a potvrđuje Vijeće Fakulteta.
- (6) Šef odsjeka za svoj rad odgovara dekanu Fakulteta.

- (7) Na pismeno obrazloženu inicijativu nadpolovične većine članova odsjeka, šefa odsjeka i njegovog zamjenika, i prije isteka mandata, može razriješiti dekan fakulteta.
- (8) U slučaju razrješenja dužnosti poslove šefa odsjeka obavlja član vijeća odsjeka kojeg imenuje dekan Fakulteta, do izbora novog šefa odsjeka.
- (9) Sekretara odsjeka na prijedlog šodsjeka imenuje dekan.
- (10) Sekretar odsjeka prima materijale koji će biti razmatrani na sastancima vijeća odsjeka, vodi zapisnike i priprema materijale koji će biti razmatrani na Vijeću Fakulteta te obavlja i sve druge administrativne poslove za odsjek po nalogu šefa odsjeka.

Član 4.

Preko vijeće odsjeka obavljaju se poslovi odsjeka/katedri definisani članom 32. Statuta Univerziteta u Sarajevu i opštih akata Fakulteta.

III PRIPREMANJE I SAZIVANJE SJEDNICA

Član 5.

- (1) Sekretar odsjeka prima i priprema materijale za sjednice vijeća odsjeka i saziva sjednice, a zajedno sa šefom odsjeka utvrđuje prijedlog dnevnog reda.
- (2) Materijali koji su zaprimljeni pet dana prije zakazanog termina sjednice mogu biti uvršteni na dnevni red te sjednice kasnije zaprimljeni materijali ostavljaju se za narednu sjednicu Vijeća odsjeka.
- (3) Na sjednicu vijeća odsjeka se pozivaju svi predstavnici katedri uključenih u realizaciji nastave na studijskim programima prvog ciklusa studija u nadležnosti odsjeka.
- (4) Sjednicama Vijeća mogu prisustvovati i druge osobe na poziv šefa odsjeka u slučaju da treba stručno mišljenje o nekom pitanju iz dnevnog reda.
- (5) Sjednice vijeća održavaju se kao redovne, vanredne i tematske. Redovne sjednice se održavaju jednom mjesečno (osim za vrijeme ljetnog prekida nastave) najkasnije 7-10 dana prije sjednice vijeća Fakulteta. Vanredne i tematske se održavaju izvan ovog redovnog termina.

Član 6.

- (1) Poziv za sjednicu dostavlja se u pisanom obliku – elektronskom poštom najkasnije tri dana prije održavanje sjednice.
- (2) Poziv za sjednicu Vijeća mora sadržavati:
- mjesto i vrijeme održavanja sjednice
 - prijedlog dnevnog reda
 - obrazloženje za pojedine tačke dnevnog reda (ako je potrebno).

Član 7.

- (1) U hitnim i opravdanim slučajevima šef odsjeka može održati elektronsku sjednicu elektronskom poštom.
- (2) Za pravosnažno odlučivanje elektronskom poštom šef odsjeka mora dostaviti prijedlog odluke elektronskom poštom o kojoj članovi Vijeća odlučuju i odrediti rok do kojeg se glasa elektronskom poštom, a koji ne može biti kraći od 24 sata unutar radnog dana za njegovu provedbu.

(3) Kod elektronskog glasanja prisutnim članovima Vijeća smatraju se svi članovi koji su glasali te se odluka smatra usvojenom ako je usvojena većinom glasova članova Vijeća koji su glasali elektronskom poštom.

(4) Glasanje na elektronskoj sjednici provodi se tako da svaki član Vijeća elektronskom poštom koju šalje šef odsjeka za pojedini prijedlog odluke glasa „ZA“ ili „PROTIV“.

(5) O radu Vijeća i samom glasanju na elektronskoj sjednici sastavlja se zapisnik te se isti potvrđuje na prvoj sljedećoj sjednici Vijeća.

IV TOK SJEDNICE

Član 8.

(1) Šef odsjeka predsjedava sjednicom.

(2) U slučaju odsutnosti šefa odsjeka sjednicom predsjedava njegov zamjenik.

(3) Po otvaranju sjednice sekretar utvrđuje broj prisutnih članova.

(4) Za punovažno odlučivanje na sjednici Vijeća potrebna je prisutnost natpolovične većine od ukupnog broja članova Vijeća.

(5) Ukoliko sjednici ne prisustvuje više od polovine članova Vijeća za punovažno odlučivanje, sjednica se odgađa i saziva se nova.

Član 9.

(1) Dnevni red sjednice utvrđuje se na početku sjednice.

(2) Prema utvrđenom dnevnom redu za pojedine tačke dnevnog reda šef odsjeka/ili izvjestitelj daje obrazloženje i prijedlog odluke

(3) Ukoliko je potrebno šef odsjeka može dati dodatak obrazloženju, nakon čega se otvara rasprava.

Član 10.

(1) Na sjednici niko ne može govoriti prije no što zatraži i dobije riječ od šefa odsjeka

(2) Šef odsjeka vodi računa da govornik ne bude ometan ili spriječen u svom govoru.

(3) Šef odsjeka daje riječ prema redosljedu javljanja govornika.

(4) Govornik raspravlja samo o temi dnevnog reda, inače ga šef odsjeka može opomenuti.

(5) Red na sjednici osigurava šef odsjeka.

Član 11.

(1) Šef odsjeka članu Vijeća izriče opomenu ako:

- Se u svom govoru ne drži predmeta rasprave

- Govori, a nije dobio odobrenje šefa odsjeka

- Svojim upadicama ili na drugi način ometa govornika

- Ako se javi za ispravak netačnog navoda ili zbog ukazivanja na povredu ovog Poslovnika, a govori o drugoj temi za koju nije dobio riječ

- Omalovažava i vrijeđa šefa odsjeka, druge prisutne ili izvjestitelja

- Na drugi način remeti rad na sjednici.

(2) Nastavniku ili saradniku izriče se mjera udaljavanja sa sjednice kada svojim ponašanjem toliko naruši red i prekrši odredbe ovog Poslovnika da je dalje održavanje sjednice dovedeno u pitanje.

V GLASANJE

Član 12.

(1) Glasanje na sjednici je javno.

- (2) Javno glasanje provodi se poimeničnim izjašnjavanjem na način da šef odsjeka proziva prisutne da se izjasne „ZA“, a potom „PROTIV“.
- (3) Članovi vijeća mogu odlučiti da o pojedinim tačkama dnevnog reda provedu tajno glasanje.
- (4) Svaka odluka se smatra usvojenom ako je za nju glasala natpolovična većina prisutnih članova vijeća.

VI ZAPISNIK

Član 13.

- (1) O radu na sjednici vijeća vodi se zapisnik
- (2) Zapisnik vodi zapisničar kojeg imenuje dekan Fakulteta
- (3) U zapisnik se obavezno unosi:
 - a. Broj sjednice u tekućoj akademskoj godini
 - b. Mjesto, vrijeme i datum održavanja sjednice
 - c. Popis prisutnih i odsutnih (uz napomenu je li izostanak opravdan ili ne), te ostalih koji prisustvuju sjednici
 - d. Dnevni red sjednice
 - e. Ime predsjedavajućeg i zapisničara
 - f. Tok rasprave u kratkim crtama o pojedinim temama
 - g. Tekst donesenih odluka, zaključaka, mišljenja
 - h. Ostali bitni podaci.

Član 14.

- (1) Na početku svake sjednice na zapisnik sa prethodne sjednice mogu se iznijeti primjedbe.
- (2) Zapisnik na koji nisu iznesene primjedbe, odnosno zapisnik na kojem su saglasno s prihvaćenim primjedbama izvršene izmjene, smatra se usvojenim.
- (3) Prihvaćeni zapisnik potpisuju šef odsjeka i zapisničar koji je ujedno i sekretar vijeća odsjeka.
- (4) Usvojeni zapisnik dostavlja se svim članovima vijeća i prodekanu za nastavu u elektronskom obliku, a po jedan primjerak se čuva u arhivi odsjeka i Sekretarijatu.

VII PRELAZNE I ZAVRŠNE ODREDBE

Član 15.

- (1) Poslovnik o radu vijeća odsjeka donosi Vijeće Fakulteta.
- (2) Poslovnik stupa na snagu od dana objave na oglasnoj ploči Fakulteta.
- (3) Do stupanja na snagu ovog Poslovnika, u prelazom periodu do 01.03.2019. godine, prijedlozi za donošenje odluka Vijeća Fakulteta prihvatat će se sa instituta Fakulteta i smatrati pravno valjanim.
- (4) Izmjene i dopune ovog Poslovnika vrše se po prijedlogu dekana.
- (5) Tumačenje odredbi ovog Poslovnika daje Vijeće Fakulteta.

Poslovnik objavljen na oglasnoj ploči Fakulteta 04.03.2019. godine.

Sarajevo,
Broj:

DEKAN
Prof. dr. Muhamed Brka

UNIVERZITET U SARAJEVU
POLJOPRIVREDNO-PREHRAMBENI FAKULTET

Broj: 01-6-619/19

Sarajevo, 04. 03. 2019. godine

Saraj
A
delud

Na osnovu člana 104. Statuta Univerziteta u Sarajevu, Vijeće Poljoprivredno-prehrambenog fakulteta u Sarajevu na svojoj 15. sjednici održanoj 04. 03. 2019. godine, donijelo je

ODLUKU

I

Usvaja se Poslovnik o radu vijeća odsjeka Poljoprivredno-prehrambenog fakulteta Univerziteta u Sarajevu i odobrava rad vijeća sva četiri odsjeka Fakulteta po odredbama Poslovnika.

II

Daje se saglasnost vijećima odsjeka Fakulteta na postupanje po odredbama Poslovnika o radu vijeća odsjeka Poljoprivredno-prehrambenog fakulteta Univerziteta u Sarajevu u nadležnostima utvrđenim Statutom Univerziteta u Sarajevu i općim aktima Fakulteta.


III

Ova odluka stupa na snagu danom donošenja.

Dostaviti:

- Šefovima odsjeka uz Poslovnik
- Sekretarijat
- Uz zapisnik NNV
- Uz Poslovnik TD

⊖ A/a



DEKAN
[Signature]
Prof. dr. Muhamed Brka

117

UNIVERZITET U SARAJEVU
POLJOPRIVREDNO-PREHRAMBENI FAKULTET

Broj: 01-6-910/21
Sarajevo, 07. 06. 2021. godine

Na osnovu Člana 135. stav (3) Zakona o visokom obrazovanju («Sl. novine Kantona Sarajevo», broj 33/17, 35/20 i 40/20) i člana 104. Statuta Univerziteta u Sarajevu, a u skladu sa članom 15. st. (4) Poslovnika o radu vijeća odsjeka Poljoprivredno-prehrambenog fakulteta Univerziteta u Sarajevu broj:01-1-632/19 od 05.03.2019. godine. Vijeće Poljoprivredno-prehrambenog fakulteta Univerziteta u Sarajevu, na svojoj 60. (redovnoj-elektronskoj) sjednici održanoj 07. 06. 2021. godine, donijelo je

O D L U K U

O izmjeni i dopuni Poslovnika o radu vijeća odsjeka Poljoprivredno-prehrambenog fakulteta Univerziteta u Sarajevu broj:01-1-632/19 od 05.03.2019. godine

I

Usvaja se izmjena i dopuna Poslovnika o radu vijeća odsjeka Poljoprivredno-prehrambenog fakulteta Univerziteta u Sarajevu broj:01-1-632/19 od 05.03.2019. godine, kako slijedi:

U članu 2. stav (2) koji glasi:

„Član 2.

(2) Vijeće odsjeka čine po jedan predstavnik katedri (katedre koje uključuju obavezne i aktivne izborne predmete) uključenih u realizaciji nastave na studijskim programima prvog ciklusa studija u nadležnosti odsjeka.“

Mijenja se i glasi:

„(2) Vijeće jednog odsjeka čine svi nastavnici katedri koje pripadaju tom odsjeku i šefovi preostala tri odsjeka.“

II

Usvaja se izmjena i dopuna Poslovnika o radu vijeća odsjeka Poljoprivredno-prehrambenog fakulteta Univerziteta u Sarajevu broj:01-1-632/19 od 05.03.2019. godine, kako slijedi:

U članu 5. stav (3) koji glasi:

„Član 5.

(3) Na sjednicu vijeća odsjeka se pozivaju svi predstavnici katedri uključenih u realizaciji nastave na studijskim programima prvog ciklusa studija u nadležnosti odsjeka.“

Mijenja se i glasi:

„(3) Na sjednicu vijeća odsjeka se pozivaju svi nastavnici katedri koje pripadaju tom odsjeku i šefovi preostala tri odsjeka, kao i predmetni nastavnik bazičnih predmeta (Hemija, Biohemija i Mikrobiologija) koji predaje na datom odsjeku.

Nastavnici bazičnih predmeta su punopravni članovi vijeća odsjeka na kojima predaju sa pravom glasa.“

III

Zadužuje se sekretar Fakulteta da evidentira navedenu izmjenu i dopunu Poslovnika o radu vijeća odsjeka u skladu sa ovom odlukom.

IV

Ova odluka stupa na snagu danom donošenja.

DOSTAVITI:

- Uz Poslovnik o radu Vijeća odsjeka PPF-a
- Uz zapisnik NNV

⊙ A/a

DEKAN
Prof. dr. Muhamed Brka